



# **Haki za muislamu juu ya muislamu mwenzake ni sita"** **Pakasemwa: Na ni zipi hizo ewe Mjumbe wa** **Mwenyezi Mungu?, akasema: "Ukikutana naye** **msalimie, na akikuita muitikie, na akikutaka nasaha** **mnasihi, na akipiga chafya akamhimidi Mwenyezi** **Mungu basi muombe dua ya rehema, na akiugua** **mtembelee, na akifariki msindikize**

Imepokelewa kutoka kwa Abuu Huraira -radhi za Mwenyezi Mungu ziwe juu yake-  
yakwamba Mtume -rehema na amani ziwe juu yake- amesema: "Haki za muislamu juu  
ya muislamu mwenzake ni sita" Pakasemwa: Na ni zipi hizo ewe Mjumbe wa Mwenyezi  
Mungu?, akasema: "Ukikutana naye msalimie, na akikuita muitikie, na akikutaka nasaha  
mnasihi, na akipiga chafya akamhimidi Mwenyezi Mungu basi muombe dua ya rehema,  
na akiugua mtembelee, na akifariki msindikize".

[صحيح] [رواه مسلم]

Amebainisha Mtume rehema na amani ziwe juu yake kuwa miongoni mwa haki za muislamu  
juu ya ndugu yake muislamu ni mambo sita: La kwanza: Amsalimie akikutana naye kwa  
kusema: Assalaam alaikum, naye atajibu salamu kwa kusema: Waalaikumussalaam. La pili:  
Kuitika wito wake atakapomuita kwa ajili ya sherehe ya harusi au nyingineyo. La tatu: Kumpa  
nasaha akizihitajia, na wala usimsifie bure, au kumfanyia udanganyifu. La nne: Akipiga  
chafya akasema: Alhamdulillah, basi muombe dua kwa kusema: Yar-hamkallaah  
(Akuhurumie Mwenyezi Mungu), naye ajibu kwa kusema: Yah-diikumullaahu wayuslih  
baalakum (Akuongozeni Mwenyezi Mungu na kutengenezeeni hali zenu). La tano: Akamuone  
na amtembelee atakapougua. La sita: Amswalie atakapofariki, na alisindikize jeneza lake  
mpaka azikwe.

النجاة الخيرية  
ALNAJAT CHARITY

